



**Broj: 01- 79/12.  
Vareš, 29.03.2012. god.**

Na osnovu člana 6. a u vezi sa članom 14. stav 4. Zakona o eksproprijaciji Federacije BiH ( „Sl.novine FBiH“ broj 70/07. i 36/10.), člana 35. Zakona o principima lokalne samouprave ( „Sl.novine FBiH“ broj 49/06.), člana 22. Statuta Općine Vareš broj 01-25/09. i 01-15/12., rješavajući po prijedlogu Kantonalnog javnog preduzeća „ ZOI 84“Olimpijski centar Sarajevo d.o.o. Sarajevo, Općinsko vijeće Vareš na 37. sjednici održanoj 29.03.2012. godine, d o n i j e l o j e

### **R J E Š E N J E** **o utvrđivanju javnog interesa**

- 1. UTVRĐUJE SE DA JE OD JAVNOG INTERESA** izgradnja turističko-rekreacionog centra „ DOLI “ Ravne, općina Vareš, te se u tu svrhu može pristupiti potpunoj eksproprijaciji nekretnina na kojima će se graditi hotelsko-apartmansko naselje i nepotpunoj eksproprijaciji (ustanovljenju služnosti) na nekretninama u opštoj upotrebi namijenjenim za ski staze, staze za šetanje, sportske sadržaje i dr., a na dijelu nekretnina označenih kao:
  - k.č. broj 1441 Trešnjica, pašnjak,
  - k.č. broj 1430/1 šuma Kaljavi Dolovi, Luka, Razova šuma, Vrhovi, Dolovi i dr.
  - k.č. broj 1430/332 Dolovi, pašnjak,sve upisano u z.k. uložak broj 623 k.o. Blaža (preuzeto iz z.k.ul.broj 94 iste k.o.), zemljišno-knjižno vlasništvo opštenarodna imovina.

Po novom premjeru odgovara parcelama broj 1766/2, 1766/3 i dijelu parcela broj 1766/1 i 1796 , upisano u posjedovni list broj 69 k.o. Ravne u korist posjednika D.S. Šipad Sarajevo OOUR Šumarstvo Vareš sada Javnog preduzeća Šumsko-privrednog društva ZE-DO kantona d.o.o. Zavidovići.
- 2. Utvrđuje se da je Kantonalno javno preduzeće „ZOI 84“ – Olimpijski centar Sarajevo d.o.o. Sarajevo, korisnik potpune i nepotpune eksproprijacije a radi izgradnje turističko-rekreacionog centra „Doli“.**

### **O b r a z l o ž e n j e**

Prijedlogom broj 02/4-31-2-161 od 19.03.2012. Kantonalnog javnog preduzeća „ZOI 84“ – Olimpijski centar Sarajevo d.o.o. Sarajevo, obratilo se Općini Vareš sa zahtjevom za utvrđivanje javnog interesa za potpunu i nepotpunu eksproprijaciju nekretnina opisanih u tački 1. dispozitiva rješenja, a radi izgradnje turističko-rekreacionog centra „Doli“ selo Ravne, općina Vareš.

Uz zahtjev je priložena kopija katastarskog plana, z.k. izvadak i situaciona karta potrebnog zemljišta.

U cilju provođenja potpune i nepotpune eksproprijacije na zemljištu koje će biti obuhvaćeno radi izgradnje turističko-rekreacionog centra „Doli“ , a u skladu sa članom 14. stav 4. Zakona o eksproprijaciji, Općinsko vijeće Vareš, u interesu razvoja turizma na ovim prostorima, riješilo je kao u dispozitivu rješenja.

Podnosilac prijedloga za utvrđivanje javnog interesa je dužan uplatiti administrativnu taksu u iznosu od 300,00 KM, određenu u skladu sa tarifnim brojem 23. tačka 6. Odluke o općinskim administrativnim taksama broj 01-23/10. od 03.02.2010 godine, a ista se plaća u roku od 15. dana po prijemu rješenja, na žiro-račun općine Vareš broj 3380002210017420 koji se vodi kod Uni Credit bank Filijala Vareš sa naznakom vrste prihoda 722131.

Protiv ovog rješenja može se pokrenuti upravni spor podnošenjem tužbe Kantonalnom sudu Zenica u roku od 30 dana od dana prijema ovog rješenja. Tužba se podnosi neposredno sudu, a u skladu sa odredbama člana 16. stav 5. Zakona o eksproprijaciji .

**DOSTAVLJENO:**

1 x JP „ZOI 84“ Sarajevo  
1 x JP ŠPD d.o.o.Zavidovići  
1 x Ministarstvo šumarstva ZDK  
1 x U spis  
1 x a.a.

**PREDSJEDAVAJUĆI  
OPĆINSKOG VIJEĆA**

**Josip Malbašić**